



Det er ingen spøk å vera fotgjengar langs fylkesvegen mot Herøysund. (Foto: Ola Matti Mathisen)

**Det er stort behov for forlenga sykkel- og gangbane i retning mot Herøysund og Høgre har dette som ein post i programutkastet sitt. Der strekast det under både at arbeidet med sykkel- og gangbane i Herøysund må koma igang og at det også må lagast plan for ein slik bane frå sentrum i Uskedalen og fram til der vegen mot Børnes tar av.**

-Det er svært mykje tungtrafikk på fylkesvegen og lags vegen utover Eiklandet går det mange, ikkje berre skulebarn. Dette er ein farleg strekning og behovet for gang- og sykkelbane er stort, seier leiar i Høgre Gunn Mari Moberg i ein kommentar til uskedalen.no.

Ho legg til at partiet vil prioritera auka satsing på trafikksikring i heile kommunen.

Også dette partiet jobbar for ein indre kyststamveg og har ellers mellom andre desse postane i programutkastet sitt:

\*Kommunen må driva ein langt meir offensiv næringspolitikk og samarbeida tettare med næringslivet.

Tilrettelegging og marknadsføring av industriareal må skje gjennom eit eige tomteselskap.

\*Innbyggjarane må få større råderett over arealbruken, fylkesmannen mindre.

\*Det må tenkjast meir langsiktig for å sikra nok tomteareal. Målet må vera godkjent areal til minst 1000 nye bustadhus, 1000 nye leilegheiter, 1000 nye nytter og 1000 nye naust.

\*Ny idrettshall og friidrettsanlegg på Husnes.

\*Støtte opp om lokale kulturarrangement med tilrettelegging og

økonomiske garantiar.

\*Omorganisering og konkurranseutsetjing av enkelte tenester.

\*Bufellesskap for pleietrengjande i alle bygdene, som Myro og Hagetunet i Uskedalen.

\*Auke av den kommunale stønaden til idrettslaga.

\*Behalda dagens skulestruktur og ikkje leggja ned skular med mindre foreldra vil det.

\*Starta opprustinga av skulebygga etter vedteke prioritering

\* Kjøken på alle institusjonar

\*Auke innsatsen mot mobbing.

\*Forsterka det førebyggjande arbeidet og ettervernet mot narkotika.

\*Fokus på fysisk aktivitet og symjeopplæring.

Av Ola Matti Mathisen.

\*